

# 'E CAZETTE NERE

Musica di G. SALZANO

Versi di G. ANDREASSI

1.

'O juorno d'ogge 'e femmene  
cu 'sti cazette nere,  
te fanno scurdà proprio  
'e cchiù triste penzere!

E quando po' cammiano  
e 'o pizzo 'e vesta 'mmano,  
si staje pure 'a luntano,  
te siente... scevuli!

Nu poco 'e rroba nera  
che sape cumbinà!...  
Attira 'e che manera,  
e... quant'effetto fa!

2.

Quando 'e scarpine portano,  
sott' a 'na vesta chiara,  
cchiù assaje 'e cazette spezzano,  
e 'a vista se rischiarà!

Te siente 'mpietto cocere,  
s'appiccica 'a fantasia,  
e... pure 'mmiez' a via...  
Ah... che vurrisse fa!

Nu poco 'e rroba nera  
che sape cumbinà!...  
Attira 'e che manera  
e... quant'effetto fa!

3.

Si 'nterra ce sta polvere,  
o pure ce stà 'o 'nfuso,  
cazette e suste 'mmostano,  
chè ce ànno fatto l'uso!

Tutte se tuculejano,  
p'essere ditte belle;  
pò... fanno 'e ssantarelle,  
se vanno a cunfessà!

Nu poco 'e rroba nera  
che sape cumbinà!...  
Attira 'e che manera,  
e... quant'effetto fa!

*Allegretto grazioso*

PIANO *f*

CANTO *Moderato*

O juorno d'ogge 'e femmene Cu sti cazette nere Te fanno scurda

*len.* proprio 'E cchiù triste penzere E quando pò cammiano C'ò pizzo 'e vesta 'mmano Si

*len.* staje pure luntano Te siente scevuli No poco poco poco rroba nera Che sape cumbi

*Marcato*

na! At-tira attira attira e chema nera E quant'effetto fa. No poco poco poco rroba nera

chesape cumbi - ta At-tira attira attira e chema nera e quant'effeto fa. fa.

1.<sup>a</sup> 2.<sup>a</sup> 3.<sup>a</sup>

Proprietà G. Zomach -

'E cazette nere!